



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Vitae Sanctorvm**

complectens sanctos Mensium, Aprilis, Maii & Ivnii

**Lippeloo, Zacharias**

**Coloniae Agrippinæ, 1603**

Historia S. Petronillae Virginis, filiæ B. Petri Apostoli, ex Epistola Marcelli Presbyteri, quæ habetur in actis SS. martyrum, Nerei & Achillei, 12 maij, apud Surium.

**urn:nbn:de:hbz:466:1-42716**

Res admirabilem  
tione digna.

rido, ea tamen integritate membrorum omnium, toto totius corporis colore, & dignitate formae, tali vultus splendore & habitu, ut non animus exirasse, sed dormire mihi leniter, sub umbra videretur, at qui iacebat loco ita humido, ut omnibus iam indumentis quibus erat involutum corpus, putrefactis, nudum totum conspiceretur, præterquam quod genitales partes, fragmento lini obtegebantur.

Auctor nuncupat votum  
martyri, &  
liberatur à  
periculis.

Inde verò cum post pia vota & desideria, quibus ardebam, tangendi & osculandi pedes, manus faciem præcipui martyris, decimo octavo die Martij soluerem, ipsa soluendi hora, in non paruum incidi periculum, nimbis contra flantibus, inque saxa nauem depellentibus. Imploravi subito martyris auxilium, promisi que, si ad meos Romam incolumis deuenirem, perpetuis literarum monumentis, martyrium eius traditurum. Euasi maris & latronum pericula, quodque miraculo est, senex ægrotusque hinc recessi, iunior sanusque, ac multo robustior remeavi.

C. Baro. to. 1  
annal. vbi &  
de nonnullis  
dubitatio-  
nibus disse-  
rit.

31. Maij.  
Petronilla  
paralytica.

HISTORIA S. PETRONILLAE VIRGINIS, filia B. Petri Apostoli, ex Epistola Marcelli Presbyteri, qua habetur in actis SS. martyrum, Nerei & Achillei, 12 maij, apud Surium.

Sancta Petronilla Petri Apostoli filia incredibili pulchritudine virgo, fertur multo tempore, ex patris voluntate, paralytica laborasse, membrorumque omnium officio destituta, lecto decubuisse. Cumque die quodam inter alios discipulos, Titus pariter adesset, & discumbentes familiares de rebus diuinis sermones conferrent, fertur cum quadam admiratione dixisse  
Petro



Petro quid causæ esset, quòd cum alijs optata san-  
 titatù largiretur beneficia, filiã ab ea qua detine-  
 batur lecto affixa, calamitate non liberaret. Cui  
 Petrus, sic animæ eius salutis, quæ corporis longè  
 præferenda est, expedire respondit. Veruntamen  
 ne qua hoc putaretur diuinæ gratiæ inopia fieri,  
 ait ad filiam: Surge Petronilla, nobisque mini-  
 stra. Ad quam vocem, illa protinùs viribus inte-  
 gris exiliens, discumbentibus ministravit, cun-  
 ctis rei admiratione defixis. Expleto autè mini-  
 sterio, iussit eam ad lectulum redire. Redijt illa:  
 moxque febribus correpta, grauiore cœpit mo-  
 lestia consistari. At verò cum ea omnia, sum-  
 ma mansuetudine perferret, ageretque tam in-  
 aduersis quàm prosperis Deo grates, paulò pòst,  
 diuino beneficio integræ sanitati restituta, & si-  
 bi & alijs plurimis, oratione sua miram Dei  
 gratiam impetrauit.

Sanatur à  
 patre, ad 16-  
 pus.

Interim cum formæ eius præstantia esset exi-  
 mia, multique insano capti amore eam deperi-  
 rent, Flaccus Comes, coniugem eã sibi postula-  
 uit: armataque manu, nò spontè consentiret, eam  
 abripere voluit. Cui virgo; Quid, inquit, ad  
 virginem inermem cum militibus venis? Me  
 si tibi vxorem deposcis; honestas potiùs virgi-  
 nes, matronasque post triduum ad me mittito:  
 vrearum comitata obsequio, cum honore tuas  
 ad ædes spontè veniam. Hoc dicto gaudius ve-  
 hementer Flaccus, triduum ei concessit, quo to-  
 to, Petronilla precibus & ieiunijs, cum Felicu-  
 la virgine collectanea intenta, diuinam assiduo  
 opem flagitabat. Tertio verò die, Nicomedes  
 presbyter eam inuisens, diuina ibidem celebra-  
 uit mysteria: eamque sacrosancto Christi corpo-  
 re & sanguine refecit; & ecce, sumpto epulo  
 illo

Flaccus Co-  
 mes, eã vxo-  
 rem sibi pe-  
 tit.

Excedit è vi-  
 ta, sumpto  
 venerab. Sa-  
 cramento.

Hhh 2

illo



842 CERTAMEN SS. MAR. PAMPHILI &c.  
illo caelesti, mox beatum Creatori suo spiritum  
tradidit. Corpus eius honorificè sepulture man-  
datum, constructo desuper nobili cœmeterio,  
anniuersaria, natalis eius, côm memoratiōe illu-  
stratum fuit.

## I V N I V S.

C Bar. tom.  
3. Annal.

CERTAMEN SS. MARTYRVM PAM-  
phili, Valentii, Pauli, Seleuci, Porphyrii, Theodu-  
li, Iuliani, & sociorum. Ex eo, quod est per Euse-  
bium Casariensem, libro 8. cap. 21. Coronati sunt  
anno incarnati verbi 308. Pontificatus Marcelli 5.  
Imperij Constantini 3. sub Maximino in oriente  
regnante, anno persecutionis 7.

1. Iunii.



AGNVM hîc, & gloriosum profectò  
oculis nostris offertur spectaculum,  
Pamphili, & sociorum virorum ad-  
mirabiliũ, nã sicuti neruorũ vel vocũ  
canticus, plurium sonorum varietate temperatus,  
suauiter aures animũque oblectat: ita virtus  
in duodenario hoc martyrum numero, in qui-  
bus eiusdem virtutis splendor, æquali inæquali-  
tate, mirificè congruit, non potest non animos  
nostros, sui admiratione defixos, ad se rapere, &  
summa quadam voluptate perfundere. Sũt enim  
hîc adolescentes, simul & senes, serui simul & li-  
beri, eruditi & rudes, obscuro generis homines,  
vt multis videbatur, & gloria insignes, fideles si-  
mũ eũm catechumenis, & diaconi cum presby-  
teris, qui omnes tanquam à sapientissimo musi-  
co, nempe Dei verbo vnigenito, variè pulsati,  
clarissimos, numerososque, & concinnos admo-  
dum